



DATUM OBJAVE: 12.01.2024. godine

Na osnovu člana 57. stav (3) tač. a) i b) u vezi sa članom 59. Zakona o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20), člana 10. stav (1) tačka d), člana 15., člana 19. stav (1) u vezi sa st. (4) i (6) i člana 26., a u vezi sa članom 23. stav (2) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21), Komisija za izbor objavljuje:

O B A V J E Š T E N J E

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu „MLADI INSPEKTOR”- 30 izvršilaca, objavljenom dana 25.08.2023. godine, ispunili uslove za pristupanje testiranju da su nakon provedenog Testa opšteg znanja, uslov za pristupanje Testu fizičke sposobnosti stekli kandidati pobrojani u **TABELI BROJ 1 (Spisak kandidata prema dodijeljenim šiframa koji su stekli uslov za pristupanje Testu fizičke sposobnosti)**.

Utvrđeno je da kandidati pobrojani u **TABELI BROJ 2 (Spisak kandidata prema dodijeljenim šiframa koji nisu stekli uslov za pristupanje Testu fizičke sposobnosti)**, nisu zadovoljili eliminacioni prag - 70% od maksimalnog broja bodova (35 bodova) na Testu opšteg znanja, te se u skladu sa članom 57. stav (4) Zakona o policijskim službenicima Kantona Sarajevo, isključuju iz daljeg postupka izbora.

Kandidati pobrojani u **TABELI BROJ 3 (Spisak kandidata prema dodijeljenim šiframa za koje se smatra da su odustali od prijave)**, nisu pristupili zakazanom testiranju Testa opšteg znanja, te se smatra da su isti odustali od prijave na Javni konkurs za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu „MLADI INSPEKTOR”- 30 izvršilaca.

Obavještavaju se kandidati koji su stekli uslov za pristupanje Testu fizičke sposobnosti, da će se isti obaviti u periodu od 29.01. do 31.01.2024. godine, u prostorijama MUP-a Kantona Sarajevo - Sektora za policijsku podršku, na adresi Nahorevska bb, u vremenu i po grupama

kandidata prema rasporedu prikazanom u TABELI BROJ 4 (Raspored kandidata po grupama).

Kandidati su dužni doći najkasnije 30 minuta prije utvrđenog termina za početak testiranja, radi raspoređivanja u prostorije za presvlačenje (svlačionice) i identifikacije.

Komisija će prije početka testiranja izvršiti provjeru prisustva kandidata i utvrditi identitet kandidata, te s tim u vezi isti su dužni sa sobom imati ličnu kartu ili drugi važeći identifikacioni dokument sa fotografijom, na osnovu kojeg se može utvrditi identitet u skladu sa zakonom.

Kandidati su dužni da na testiranje ponesu sportsku opremu koja je pogodna za trčanje, te izvođenje disciplina definisanih konkursom. Sportska oprema podrazumijeva: čist peškir, sportsku obuću (takva da se ne dozvoli klizanje na parketnoj podlozi), kratke (šorts) ili duge široke sportske hlače ili trenirku i majicu isključivo kratkih rukava, po mogućnosti bijela pamučna bez grafita, teksta ili slika diskriminirajućeg, neadekvatnog ili promotivnog sadržaja. Kandidati prilikom provođenja testa fizičke sposobnosti ne smiju nositi nakit (sat, lančić, naušnice i narukvice) niti koristiti žvakaću gumu. Poželjno je da kandidati ponesu flašicu sa vodom. Hrana nije dozvoljena.

Test fizičke sposobnosti za kandidate razvrstane u TABELI BROJ 4 provodit će se prema odredbama Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo, te prema Metodologiji provođenja testa fizičke sposobnosti objavljenoj na oglasnoj ploči i na internet stranici Ministarstva prilikom objave Javnog konkursa dana 25.08.2023. godine, kao i prema uputama koja na licu mjesta kandidatima saopšte stručna lica za provođenje testa fizičke sposobnosti.

Svaki kandidat će dobiti numerisanu marker majicu kao oznaku.

Tokom izvođenja testa, stručna lica za provođenje testa fizičke sposobnosti, glasno i jasno izgovaraju broj na markeru koji nosi kandidat, njegove ostvarene rezultate, prekršaje i eventualne eliminacije. Rezultati se evidentiraju u individualni karton kandidata koji kandidati verifikuju svojim potpisom kojim potvrđuju da su upoznati sa rezultatom i ostvarenim brojem bodova.

Svaki kandidat je obavezan prije pristupanja Testu fizičke sposobnosti potpisati Izjavu, koja će mu biti uručena od strane Komisije, da dobrovoljno pristupa Testu fizičke sposobnosti, te da je upoznat da u slučaju njegovog povređivanja ili drugog oblika narušavanja zdravstvenog stanja, Uprava policije ne snosi nikakvu odgovornost.

Test fizičke sposobnosti vrednuje se u rasponu od 2 do 20 bodova. Svaka od 4 discipline Testa fizičke sposobnosti se boduje u rasponu od 2-20 bodova. Broj ostvarenih bodova na Testu fizičke sposobnosti se određuje tako što se ostvareni bodovi sve četiri discipline Testa fizičke sposobnosti zbrajaju i dijele sa brojem disciplina (četiri).

Ukoliko kandidat u bilo kojoj od četiri discipline ne ostvari zadovoljavajući minimum, odnosno ne ostvari rezultat od minimalno 2 boda, nije zadovoljio minimum standarda i isključuje se iz daljeg procesa testiranja, i gubi pravo da pristupi narednom testu.

Svaki kandidat po završetku Testa fizičke sposobnosti svojim potpisom verifikuje ostvareni rezultat za svaku od disciplina Testa fizičke sposobnosti.

Prilikom pristupanja zakazanom testiranju kandidati su dužni da se pridržavaju pravila koja im na licu mjesta saopći Komisija i stručna lica za sprovođenje testa fizičke sposobnosti.

Kandidati koji pristupe testiranju imaju pravo da kod Komisije za izbor izvrše uvid u ostvareni rezultat odmah nakon obavljenog testiranja.

Nepristupanje ili kašnjenje kandidata iz bilo kojeg razloga zakazanom terminu održavanja Testa fizičke sposobnosti smatra se kao odustanak kandidata od podnesene prijave na javni konkurs. Ukoliko kandidat iz opravdanih razloga ima potrebu za promjenom termina testiranja, potrebno je da dostavi pismeni zahtjev Komisiji za izbor najmanje 24 sata prije zakazanog termina testiranja. Komisija će cijeniti opravdanost navedenog zahtjeva i razmotriti mogućnost odobravanja promjene termina, s tim da će se testiranje moći obaviti samo u okviru predviđenog perioda od 29.01. do 31.01.2024. godine, te će kandidat biti testiran u nekoj od grupa iz TABELE BROJ 4.

Komisija će, po okončanju Testa fizičke sposobnosti, na oglasnoj ploči i internet stranici Ministarstva objaviti rezultate postignute na Testu.

Žalba na ovu obavijest nije propisana Zakonom o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20), niti Pravilnikom o sadržaju načinu i rasporedu testiranja i sistemu bodovanja kandidata u procesu odabira policijskih službenika u upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21).

KOMISIJA ZA IZBOR